




長樂郡
振錄西
諸子



大智律師元照頌
靈山聚會
者閣山沒
王宮中出
事畢還歸
阿難重述
韋提請法
禁閉深宮
發起大事
濁惡衆生
於今受賜

第一日觀

落日懸鼓

出生死路

十二時中

繫念一處


第二水觀

大水澄清

凝然冰結

表瑠璃地

內外映徹




第三地觀

瑠璃地上

莊嚴衆相

了見分明

除疑破障




第四樹觀

行樹七重

珠網華宮

清陰垂布

妙好無窮



第五池觀

八池德水

七寶妙色

蓮開鳥鳴

洗除煩惑


第六總觀

樓中天樂

讚佛法僧

寶樹地池

一念圓成



第七座觀

大蓮華座

百寶嚴飾

微妙難思

法藏願力




第八像觀

託像凝真

見真忘像

三聖炳然

尚名麤想



第九佛觀

觀佛相好

一經宗要

三昧現前

始知深妙

十觀音觀

光臨五道

佛立頂冠

聞名獲福

何況諦觀



十一勢至觀

光通諸佛

力救群苦

頂竚盛光

普現佛土

十二普觀

趺坐蓮中


蓮華開合

依正莊嚴


一切俱攝



十四上品上生
 三心圓發
 諦理深明
 金臺隨往
 即證無生



十三雜觀
 卓乎池上
 一丈六像
 變現大小
 了無定相



上品中生

達諸法空

了無驚動

有願即生

不必讀誦

上品下生

但發道心

未窮妙理

到彼開明

獲菩提記

十五中品上生

諸戒久持

往生如願

聞說苦空

得阿羅漢

中品中生

一日一夜

奉戒願求

蓮開見佛

即預聖流

中品下生

孝友仁慈

知識開悟

遇二菩薩

聞法得度

十六上品上生

生平積惡

死遇良師


一稱佛號

生寶蓮池

下品中生

毀戒業深

獄火俱至



知識開悟
 遇二菩薩
 聞法得度
 十六上品上生
 生平積惡
 死遇良師
 一稱佛號
 生寶蓮池
 下品中生
 毀戒業深
 獄火俱至
 聞法回心
 衆聖迎去
 下品下生
 十惡五逆
 臨終苦逼
 教稱十念
 蓮華金色



凡厥有生	官清政平	上善攸臻	億兆康和	六合清寧
俱成佛果	訟簡刑措	障礙消釋	九幽融朗	七政順序
	化行俗美	家崇忠孝	均躋壽域	兩暘時若
	泰道咸亨	人樂慈良	溥種福田	萬物阜豐



饒元案刻

御製觀無量壽佛經序

蓋聞佛之道廣大無外光明畢照
先天地而無始後天地而無終而
其要以清淨為宗利濟為用其願
力弘深拯拔無量蓋極乎億萬劫
之前極乎億萬劫之後同一慈悲
之念平等之施故自西土以入中
國千有餘歲中國之人崇信其說
遵奉其教蓋大其能仁之功也夫
人生於血氣之中長於聲利之途

耳目口鼻四肢之欲不能無也纏
繫於愛憎展轉於伎求馳騁一時
之快而駸駸流墮於三塗之苦

佛世尊之垂憫乎此也開方便之門啓
懺悔之科咸使得以捨妄而歸真
滅罪而資福凡一切之人果能體
清淨心發真實願一念歸誠有感
必應薰旃檀於穢垢出蓮萼於汙
渠有不可名言之妙矣此觀無量
壽佛經所以有益於世也我

皇考太宗體天弘道高明廣運聖武神
功純仁至孝文皇帝

皇妣仁孝慈懿誠明莊獻配天齊聖文
皇后皆以上聖之資居至尊之位
深仁大德涵育萬邦下至飛潛動

植之類莫不熙熙自遂於泰和然
二聖未嘗以是自足所以心佛之心廣
佛之教嘉惠天下者至矣若觀無

量壽佛經

皇考嘗欲表章之未就而

六御上賓

宸遊在天哀慕無極用敢追成

皇考聖志命工刊行此經而廣施之蓋
欲使天下後世至于無窮之人皆
知歸誠佛道有過者圖改以自新
好善者益勉而自進皆遊如來之
境樂如來之福且以上資

皇考

皇妣在天之福於無窮焉謹序諸簡端

洪熙元年正月初一日

御製無量壽佛贊

西方極樂世界尊

無量壽佛世希有

能滅無始億劫業

令彼苦惱悉消除

若人能以微妙心

常以極樂為觀想

廣與衆生分別說

舉目即見阿彌陀

佛身色相顯光明

閻浮檀金無與等

其高無比由旬數

六十萬億那由他

眉間白毫五須彌

紺眼弘澄四大海

光明演出諸毛孔

一孔徧含諸大千

一界中有一河沙

沙有八萬四千相

一一相中復如是

作者觀者隨現前

以觀佛身見佛心

衆生憶想見化佛

從相入得無生忍

以三昧受無邊慈

佛身無量廣無邊

化導以彼宿願力

有憶想者得成就

神通如意滿虛空

衆生三種具三心

精進勇猛無退轉

即得如來手接引

七寶宮殿大光明

其身踴躍金剛臺

隨從佛後彈指頃

行大乘解第一義

即生七寶蓮池中

阿彌陀佛大慈悲

十力威德難贊說

稱名一聲起一念

八十億劫罪皆除

以是濟拔無有窮

是以名為無量壽

昔世尊居耆闍崛

與大衆說妙因緣

離憂惱與閻浮提

超脫一切諸苦趣

淨妙國即極樂界 修三福發菩提心
作是念者住堅專 故說無量壽佛觀
如是功德不可說 不可說者妙光明
無量清淨平等施 五濁衆生成作佛
斷彼一切顛倒想 猶如以水投海中
濕性混合無不同 雖有聖智難分別
人人皆為無量壽 稽首瞻禮即西方

贊載藏本惟不詳歲月故於時
代無可考

佛說觀無量壽佛經

劉宋西域三藏法師曇良耶舍譯

如是我聞。一時佛在王舍城耆闍崛山中。與大比丘衆千二百五十人俱。菩薩三萬二千。文殊師利法王子而為上首。

佛說觀無量壽佛經

爾時王舍大城有一太子名阿闍世。隨順調達惡友之教。收執父王頻婆娑羅。幽閉置於七重室內。制諸群臣。一不得往。國太夫人名韋提希。恭敬大王。澡浴清淨。以酥蜜和麩。用塗其身。諸瓔珞中。

盛蒲萄漿。密以上王。爾時大王。食麩飲漿。求水漱口。漱口畢已。合掌恭敬。向耆闍崛山。遙禮世尊。而作是言。大目犍連。是吾親友。願興慈悲。授我八戒。時目犍連。如鷹隼飛。疾至王所。日日如是。授王八戒。世尊亦遣尊者富樓那。為王說法。如是時間。經三七日。王食麩蜜。得聞法。故顏色和悅。時阿闍世問守門者。父王今者猶存在耶。時守門人。白言。大王國太夫人。身塗麩蜜。纓絡盛漿。持用上王。

沙門目連。及富樓那。從空而來。為王說法。不可禁制。時阿闍世聞此語已。怒其母曰。我母是賊。與賊為伴。沙門惡人。幻惑呪術。令此惡王。多日不死。即執利劍。欲害其母。時有一臣。名曰月光。聰明多

智。及與耆婆。為王作禮。白言。大王。臣聞毗陀論經說。劫初已來。有諸惡王。貪國位。故殺害其父。一萬八千。未嘗聞有無道害母。王今為此殺逆之事。汗刹利種。臣不忍聞。是旃陀羅。我等不宜復住於

此。時。二。大。臣。說。此。語。竟。以。手。按。劍。却。行。
而。退。時。阿。闍。世。驚。怖。惶。懼。告。耆。婆。言。汝。
不。為。我。耶。耆。婆。白。言。大。王。慎。莫。害。母。王。
聞。此。語。懺。悔。求。救。即。便。捨。劍。止。不。害。母。
勅。語。內。官。閉。置。深。宮。不。令。復。出。時。韋。提。
希。被。幽。閉。已。愁。憂。憔悴。遙。向。耆。闍。崛。山。
為。佛。作。禮。而。作。是。言。如。來。世。尊。在。昔。之。
時。恒。遣。阿。難。來。慰。問。我。我。今。愁。憂。世。尊。
威。重。無。由。得。見。願。遣。目。連。尊。者。阿。難。與。
我。相。見。作。是。語。已。悲。泣。雨。淚。遙。向。佛。禮。

未舉頭頃。爾時世尊在耆闍崛山。知韋
提希心之所念。即勅大目犍連。及以阿
難。從空而來。佛從耆闍崛山沒。於王宮
出。時韋提希禮已舉頭。見世尊釋迦牟
尼佛。身紫金色。坐百寶蓮華。目連侍左。
阿難侍右。釋梵護世諸天。在虛空中。普
雨天華。持用供養。時韋提希見佛世尊。
自絕纓絡。舉身投地。號泣向佛。白言。世
尊。我宿何罪。生此惡子。世尊復有何等
因緣。與提婆達多共為眷屬。唯願世尊。

為我廣說。無憂惱處。我當往生。不樂閻
浮提濁惡世也。此濁惡處。地獄餓鬼畜
生盈滿。多不善聚。願我未來。不聞惡聲。
不見惡人。今向世尊。五體投地。求哀懺
悔。唯願佛日教我觀於清淨業處。爾時

佛說現無量壽佛經

三

世尊。放眉間光。其光金色。徧照十方無
量世界。還住佛頂。化為金臺。如須彌山。
十方諸佛。淨妙國土。皆於中現。或有國
土七寶合成。復有國土。純是蓮華。復有
國土。如自在天宮。復有國土。如玻瓈鏡。

十方國土皆於中現。有如是等無量諸佛國土。嚴顯可觀。令韋提希見。時韋提希白佛言。世尊。是諸佛土。雖復清淨。皆有光明。我今樂生極樂世界阿彌陀佛所。唯願世尊教我思惟。教我正受。爾時世尊即便微笑。有五色光從佛口出。一光照頻婆娑羅王頂。爾時大王雖在幽閉。心眼無障。遙見世尊。頭面作禮。自然增進。成阿那含。爾時世尊告韋提希。汝今知不。阿彌陀佛去此不遠。汝當繫

念諦觀彼國。淨業成者。我今為汝廣說。衆譬亦令未來世一切凡夫。欲修淨業者。得生西方極樂國土。欲生彼國者。當修三福。一者孝養父母。奉事師長。慈心不殺。修十善業。二者受持三歸。具足衆

戒。不犯威儀。三者發菩提心。深信因果。讀誦大乘。勸進行者。如此三事。名為淨業。佛告韋提希。汝今知不。此三種業。乃是過去未來現在三世諸佛。淨業正因。佛告阿難。及韋提希。諦聽諦聽。善思念

之。如來今者為未來世一切衆生。為煩惱賊之所害者。說清淨業。善哉韋提希。快問此事。阿難。汝當受持。廣為多衆宣說佛語。如來今者教韋提希。及未來世一切衆生。觀於西方極樂世界。以佛力

佛說觀無量壽佛經

四

故。當得見彼清淨國土。如執明鏡。自見面像。見彼國土。極妙樂事。心歡喜故。應時即得無生法忍。佛告韋提希。汝是凡夫。心想羸劣。未得天眼。不能遠觀。諸佛如來。有異方便。令汝得見。時韋提希白。

佛言。世尊。如我今者。以佛力故。見彼國土。若佛滅後。諸衆生等。濁惡不善。五苦所逼。云何當見阿彌陀佛極樂世界。佛告韋提希。汝及衆生。應當專心繫念一處。想於西方。云何作想。凡作想者。一切衆生。自非生盲。有目之徒。皆見日沒。當起想念。正坐西向。諦觀於日欲沒之處。令心堅住。專想不移。見日欲沒。狀如懸鼓。既見日已。閉目開目。皆令明了。是為日想。名曰初觀。

次作水想。見水澄清。亦令明了。無分散
意。既見水已。當起冰想。見冰映徹。作瑠
璃想。此想成已。見瑠璃地。內外映徹。下
有金剛七寶金幢。擎瑠璃地。其幢八方。
八楞具足。一一方面。百寶所成。一一寶
珠。有千光明。一一光明。八萬四千色。映
瑠璃地。如億千日。不可具見。瑠璃地上。
以黃金繩。襍廁間錯。以七寶界。分齊分
明。一一寶中有五百色光。其光如華。又
似星月。懸處虛空。成光明臺。樓閣千萬。

百寶合成。於臺兩邊。各有百億華幢。無量樂器。以為莊嚴。八種清風。從光明出。鼓此樂器。演說苦空無常無我之音。是為水想。名第二觀。此想成時。一一觀之。極令了了。閉目開目。不令散失。唯除睡時。恒憶此事。如此想者。名為麤見極樂國地。若得三昧。見彼國地。了了分明。不可具說。是為地想。名第三觀。佛告阿難。汝持佛語。為未來世一切大衆。欲脫苦者。說是觀地法。若

觀是地者。除八十億劫生死之罪。捨身
他世。必生淨國。心得無疑。作是觀者。名
為正觀。若他觀者。名為邪觀。
佛告阿難。及韋提希。地想成已。次觀寶
樹。觀寶樹者。一一觀之。作七重行樹想。

一一樹高八千由旬。其諸寶樹。七寶華
葉。無不具足。一一華葉。作異寶色。瑠璃
色中出金色光。玻璃色中出紅色光。碼
碯色中出磗磑光。磗磑色中出綠真珠
光。珊瑚琥珀。一切衆寶。以為映飾。妙真

珠網。彌覆樹上。一一樹上。有七重網。一
一網間。有五百億妙華宮殿。如梵王宮。
諸天童子。自然在中。一一童子。五百億
釋迦毗楞伽摩尼。以為瓔珞。其摩尼光。
照百由旬。猶如和合百億日月。不可具

佛說觀無量壽佛經

六

名。衆寶間錯。色中上者。此諸寶樹。行行
相當。葉葉相次。於衆葉間。生諸妙華。華
上自然有七寶果。一一樹葉。縱廣正等。
二十五由旬。其葉千色。有百種畫。如天
瓔珞。有衆妙華。作閻浮檀金色。如旋火

輪宛轉葉間。涌生諸果如帝釋餅。有大光明。化成幢旛。無量寶蓋。是寶蓋中映現三千大千世界。一切佛事。十方佛國亦於中現。見此樹已。亦當次第第一一觀之。觀見樹莖枝葉華果。皆令分明。是為樹想。名第四觀。

次當想水。欲想水者。極樂國土有八池水。一一池水。七寶所成。其寶柔軟。從如意珠王生。分為十四支。一一支作七寶妙色。黃金為渠。渠下皆以雜色金剛以

為底沙。一一水中有六十億七寶蓮華。
一一蓮華。團圓正等。十二由旬。其摩尼
水。流注華間。尋樹上下。其聲微妙。演說
苦空。無常。無我。諸波羅蜜。復有讚歎。諸
佛相好者。如意珠王。涌出金色微妙光
明。其光化為百寶色鳥。和鳴哀雅。常讚
念佛。念法。念僧。是為八功德水想。名第
五觀。

佛說觀無量壽佛經

七

眾寶國土。一一界上有五百億寶樓。其
樓閣中有無量諸天。作天妓樂。又有樂

器。懸處虛空。如天寶幢。不鼓自鳴。此衆音中。皆說念佛念法念比丘僧。此想成已。名為麤見。極樂世界。寶樹寶地寶池。是為總觀想。名第六觀。若見此者。除無量億劫極重惡業。命終之後。必生彼國。作是觀者。名為正觀。若他觀者。名為邪觀。

佛告阿難。及韋提希。諦聽諦聽。善思念之。吾當為汝分別解說。除苦惱法。汝等憶持。廣為大衆分別解說。說是語時。無

量壽佛。住立空中。觀世音。大勢至。是二
大士。侍立左右。光明熾盛。不可具見。百
千閻浮檀金色。不得為比。時韋提希見
無量壽佛已。接足作禮。白佛言。世尊。我
今因佛力故。得見無量壽佛。及二菩薩。

未來衆生。當云何觀無量壽佛。及二菩
薩。佛告韋提希。欲觀彼佛者。當起想念。
於七寶地上。作蓮華想。令其蓮華。一一
葉上。作百寶色。有八萬四千脉。猶如天
畫。脉有八萬四千光。了了分明。皆令得

見華葉小者。縱廣二百五十由旬。如是蓮華。具有八萬四千葉。一一葉間。有百億摩尼珠王。以為映飾。一一摩尼珠。放千光明。其光如蓋。七寶合成。徧覆地上。釋迦毗楞伽寶。以為其臺。此蓮華臺。八

佛說觀無量壽佛經

萬金剛。甄叔迦寶。梵摩尼寶。妙真珠網。以為校飾。於其臺上。自然而有。四柱寶幢。一一寶幢。如百千萬億須彌山。幢上寶幔。如夜摩天宮。復有五百億微妙寶珠。以為映飾。一一寶珠。有八萬四千光。

一一光。作八萬四千異種金色。一一金
色。徧其寶土。處處變化。各作異相。或為
金剛臺。或作真珠網。或作雜華雲。於十
方面。隨意變現。施作佛事。是為華座想。
名第七觀。佛告阿難。如此妙華。是本法
藏比丘願力所成。若欲念彼佛者。當先
作此華座想。作此想時。不得雜觀。皆應
一一觀之。一一葉。一一珠。一一光。一一
臺。一一幢。皆令分明。如於鏡中自見面
像。此想成者。滅除五萬億劫生死之罪。

必定當生極樂世界。作是觀者。名為正觀。若他觀者。名為邪觀。

佛告阿難。及韋提希。見此事已。次當想佛。所以者何。諸佛如來。是法界身。入一切衆生心想中。是故汝等。心想佛時。是

佛說觀無量壽佛經

九

心。即是三十二相。八十隨形好。是心作佛。是心是佛。諸佛正徧知海。從心想生。是故應當一心繫念。諦觀彼佛。多陀阿伽度。阿羅訶。三藐三佛。隨想彼佛者。先當想像。閉目開目。見一寶像。如閻浮檀

金色坐彼華上。見像坐已。心眼得開了。了分明。見極樂國。七寶莊嚴寶地寶池。寶樹行列。諸天寶帳。彌覆其上。衆寶羅網。滿虛空中。見如此事。極令明了。如觀掌中。見此事已。復當更作一大蓮華。在佛左邊。如前蓮華。等無有異。復作一大蓮華。在佛右邊。想一觀世音菩薩像。坐左華座。亦作金色。如前無異。想一大勢至菩薩像。坐右華座。此想成時。佛菩薩像。皆放光明。其光金色。照諸寶樹。一一

樹下。亦有三蓮華。諸蓮華上。各有一佛。二菩薩像。徧滿彼國。此想成時。行者當聞水流光明。及諸寶樹。鳧鴈鴛鴦。皆說妙法。出定入定。恒聞妙法。行者所聞。出定之時。憶持不捨。令與修多羅合。若不

合者。名為妄想。若與合者。名為麤想。見極樂世界。是為像想。名第八觀。作是觀者。除無量億劫生死之罪。於現身中。得念佛三昧。

佛告阿難。及韋提希。此想成已。次當更

觀無量壽佛身相光明。阿難當知。無量壽佛身。如百千萬億夜摩天。閻浮檀金色。佛身高六十萬億那由他恒河沙由旬。眉間白毫。右旋宛轉。如五須彌山。佛眼如四大海水。青白分明。身諸毛孔。演

佛說觀無量壽佛經

十

出光明。如須彌山。彼佛圓光。如百億三千大千世界。於圓光中。有百萬億那由他恒河沙化佛。一一化佛。亦有衆多無數化菩薩。以為侍者。無量壽佛。有八萬四千相。一一相中。各有八萬四千隨形

好。一一好中。復有八萬四千光明。一一光明。徧照十方世界。念佛衆生。攝取不捨。其光相好。及與化佛。不可具說。但當憶想。令心眼見。見此事者。即見十方一切諸佛。以見諸佛故。名念佛三昧。作是觀者。名觀一切佛身。以觀佛身故。亦見佛心。佛心者。大慈悲是。以無緣慈。攝諸衆生。作此觀者。捨身他世。生諸佛前。得無生忍。是故智者。應當繫心。諦觀無量壽佛。觀無量壽佛者。從一相好入。但觀

眉間白毫。極令明了。見眉間白毫相者。八萬四千相好。自然當現。見無量壽佛者。即見十方無量諸佛。得見無量諸佛。故諸佛現前授記。是為徧觀一切色身相。名第九觀。作是觀者。名為正觀。若他觀者。名為邪觀。

佛說觀無量壽佛經

十一

佛告阿難。及韋提希。見無量壽佛。了了分明已。次亦應觀觀世音菩薩。此菩薩身長八十萬億那由他。由旬。身紫金色。頂有肉髻。項有圓光。面各百千由旬。其

圓光中。有五百化佛。如釋迦牟尼。一一
化佛。有五百化菩薩。無量諸天。以為侍
者。舉身光中。五道衆生。一切色相。皆於
中現。頂上毗楞伽摩尼寶。以為天冠。其
天冠中。有一立化佛。高二十五由旬。觀
世音菩薩。面如閻浮檀金色。眉間毫相
備七寶色。流出八萬四千種光明。一一
光明。有無量無數百千化佛。一一化佛。
無數化菩薩。以為侍者。變現自在。滿十
方世界。臂如紅蓮華色。有八十億微妙

光明以為瓔珞。其瓔珞中普現一切諸
莊嚴事。手掌作五百億雜蓮華色。手十
指端一一指端有八萬四千畫。猶如印
文。一一畫有八萬四千色。一一色有八
萬四千光。其光柔軟普照一切。以此寶

手接引衆生。舉足時足下有千輻輪相。
自然化成五百億光明臺。下足時有金
剛摩尼華。布散一切。莫不彌滿。其餘身
相衆好具足。如佛無異。唯頂上肉髻及
無見頂相。不及世尊。是為觀觀世音菩薩。

薩真實色身相。名第十觀。佛告阿難。若
欲觀觀世音菩薩者。當作是觀。作是觀
者。不遇諸禍。淨除業障。除無數劫生死
之罪。如此菩薩。但聞其名。獲無量福。何
況諦觀。若有欲觀觀世音菩薩者。先觀

佛說觀無量壽佛經

十二

頂上肉髻。次觀天冠。其餘衆相。亦次第
觀之。悉令明了。如觀掌中。作是觀者。名
為正觀。若他觀者。名為邪觀。

次觀大勢至菩薩。此菩薩身量大小。亦
如觀世音。圓光面各百二十五由旬。照

二百五十由旬。舉身光明。照十方國。作
紫金色。有緣衆生。皆悉得見。但見此菩
薩。一毛孔光。即見十方無量諸佛。淨妙
光明。是故號此菩薩名無邊光。以智慧
光。普照一切。令離三塗。得無上力。是故
號此菩薩名大勢至。此菩薩天冠有五
百寶華。一一寶華。有五百寶臺。一一臺
中。十方諸佛。淨妙國土。廣長之相。皆於
中現。頂上肉髻。如鉢頭摩華。於肉髻上。
有一寶餅。盛諸光明。普現佛事。餘諸身

相如觀世音等無有異。此菩薩行時。十方世界一切震動。當地動處有五百億寶華。一一寶華莊嚴高顯如極樂世界。此菩薩坐時。七寶國土一時動搖。從下方金光佛刹乃至上方光明王佛刹。於其中間無量塵數分身無量壽佛分身。觀世音大勢至皆悉雲集極樂國土。曼塞空中坐蓮華座演說妙法度苦衆生。作此觀者名為觀見大勢至菩薩。是為觀大勢至色身相。觀此菩薩者名第十

一觀除無數劫阿僧祇生死之罪。作是觀者。不處胞胎。常遊諸佛淨妙國土。此觀成已。名為具足觀觀世音大勢至。見此事時。當起自心生於西方極樂世界。於蓮華中結加趺坐。作蓮華合想。作蓮華開想。蓮華開時。有五百色光來照身想。眼目開想。見佛菩薩滿虛空中。水鳥樹林。及與諸佛所出音聲。皆演妙法。與十二部經合。若出定之時。憶持不失。見此事已。名見無量壽佛極樂世界。是

為普觀想。名第十二觀。無量壽佛化身
無數。與觀世音。及大勢至。常來至此行
人之所。叟一本作塙

佛告阿難。及韋提希。若欲至心生西方
者。先當觀於一丈六像。在池水上。如先

所說。無量壽佛身量無邊。非是凡夫心
力所及。然彼如來宿願力故。有憶想者。
必得成就。但想佛像。得無量福。況復觀
佛具足身相。阿彌陀佛。神通如意。於十
方國。變現自在。或現大身。滿虛空中。或

現小身。丈六八尺。所現之形。皆真金色。圓光化佛。及寶蓮華。如上所說。觀世音菩薩。及大勢至。於一切處。身同衆生。但觀首相。知是觀世音。知是大勢至。此二菩薩。助阿彌陀佛。普化一切。是為雜想。

佛說觀無量壽佛經

十四

觀名第十三觀。

佛告阿難。及韋提希。上品上生者。若有衆生。願生彼國者。發三種心。即便往生。何等為三。一者至誠心。二者深心。三者回向發願心。具三心者。必生彼國。復有

三種衆生。當得往生。何等為三。一者慈
心不殺。具諸戒行。二者讀誦大乘方等
經典。三者修行六念。回向發願。願生彼
國。具此功德。一日乃至七日。即得往生。
生彼國時。此人精進勇猛。故阿彌陀如
來。與觀世音。大勢至。無數化佛。百千比
丘。聲聞大衆。無量諸天。七寶宮殿。觀世
音菩薩。執金剛臺。與大勢至菩薩。至行
者前。阿彌陀佛。放大光明。照行者身。與
諸菩薩。授手迎接。觀世音。大勢至。與無

數菩薩讚歎行者。勸進其心。行者見已。歡喜踊躍。自見其身。乘金剛臺。隨從佛後。如彈指頃。往生彼國。生彼國已。見佛色身。衆相具足。見諸菩薩。色相具足。光明寶林。演說妙法。聞已。即悟無生法忍。

佛說觀無量壽佛經

十五

經須臾間。歷事諸佛。徧十方界。於諸佛前。次第受記。還至本國。得無量百千陀羅尼門。是名上品上生者。上品中生者。不必受持讀誦方等經典。善解義趣。於第一義。心不驚動。深信因果。不謗大乘。

以此功德回向。願求生極樂國。行此行
者。命欲終時。阿彌陀佛。與觀世音。大勢
至。無量大衆。眷屬圍繞。持紫金臺。至行
者前。讚言法子。汝行大乘。解第一義。是
故我今來迎接汝。與千化佛。一時授手。
行者自見坐紫金臺。合掌叉手。讚歎諸
佛。如一念頃。即生彼國。七寶池中。此紫
金臺。如大寶華。經宿則開。行者身作紫
磨金色。足下亦有七寶蓮華。佛及菩薩。
俱時放光。照行者身。目即開明。因前宿

習。普聞衆聲。純說甚深。第一義諦。即下
金臺。禮佛合掌。讚歎世尊。經於七日。應
時。即於阿耨多羅三藐三菩提。得不退
轉。應時。即能飛行。徧至十方。歷事諸佛。
於諸佛所。修諸三昧。經一小劫。得無生

忍。現前受記。是名上品中生者。上品下
生者。亦信因果。不謗大乘。但發無上道
心。以此功德。回向願求生極樂國。行者
命欲終時。阿彌陀佛及觀世音。大勢至。
與諸菩薩。持金蓮華。化作五百佛。來迎

此人。五百化佛。一時授手。讚言法子。汝
今清淨。發無上道心。我來迎汝。見此事
時。即自見身坐金蓮華。坐已華合。隨世
尊後。即得往生七寶池中。一日一夜。蓮
華乃開。七日之中。乃得見佛。雖見佛身。
於衆相好。心不明了。於三七日後。乃了
了見。聞衆音聲。皆演妙法。遊歷十方。供
養諸佛。於諸佛前。聞甚深法。經三小劫。
得百法明門。住歡喜地。是名上品下生
者。是名上輩生想。名第十四觀。

佛告阿難。及韋提希。中品上生者。若有
衆生受持五戒。持八戒齋。修行諸戒。不
造五逆。無衆過患。以此善根。回向願求。
生於西方極樂世界。臨命終時。阿彌陀
佛。與諸比丘。眷屬圍繞。放金色光。至其
人所。演說苦空無常無我。讚歎出家。得
離衆苦。行者見已。心大歡喜。自見已身
坐蓮華臺。長跪合掌。為佛作禮。未舉頭
頃。即得往生極樂世界。蓮華尋開。當華
敷時。聞衆音聲。讚歎四諦。應時即得阿

羅漢道。三明六通。具八解脫。是名中品。上生者。中品中生者。若有衆生。若一日一夜持八戒齋。若一日一夜持沙彌戒。若一日一夜持具足戒。威儀無缺。以此功德。回向願求生極樂國。戒香熏修。如此行者。命欲終時。見阿彌陀佛。與諸眷屬。放金色光。持七寶蓮華。至行者前行者。自聞空中有聲。讚言善男子。如汝善人。隨順三世諸佛教故。我來迎汝。行者自見坐蓮華上。蓮華即合。生於西方極

樂世界。在寶池中。經於七日。蓮華乃敷。
華既敷已。開目合掌。讚歎世尊。聞法歡
喜。得須陀洹。經半劫已。成阿羅漢。是名
中品中生者。中品下生者。若有善男子。
善女人。孝養父母。行世仁慈。此人命欲
終時。遇善知識。為其廣說阿彌陀佛國
土樂事。亦說法藏比丘四十八願。聞此
事已。尋即命終。譬如壯士屈伸臂頃。即
生西方極樂世界。經七日已。遇觀世音
及大勢至。聞法歡喜。得須陀洹。過一小

劫。成阿羅漢。是名中品下生者。是名中輩生想。名第十五觀。

佛告阿難。及韋提希。下品上生者。或有衆生。作衆惡業。雖不誹謗方等經典。如此愚人。多造惡法。無有慚愧。命欲終時。

遇善知識。為說大乘十二部經首題名字。以聞如是諸經名故。除却千劫極重惡業。智者復教合掌叉手。稱南無阿彌陀佛。稱佛名故。除五十億劫生死之罪。爾時彼佛即遣化佛。化觀世音。化大勢

至。至行者前。讚言善男子。以汝稱佛名。故諸罪消滅。我來迎汝。作是語已。行者即見化佛光明。徧滿其室。見已歡喜。即便命終。乘寶蓮華。隨化佛後。生寶池中。經七七日。蓮華乃敷。當華敷時。大悲觀世音菩薩。及大勢至菩薩。放大光明。住其人前。為說甚深十二部經。聞已信解。發無上道心。經十小劫。具百法明門。得入初地。是名下品上生者。佛告阿難。及韋提希。下品中生者。或有衆生。毀犯五

戒八戒。及具足戒。如此愚人。偷僧祇物。盜現前僧物。不淨說法。無有慚愧。以諸惡業。而自莊嚴。如此罪人。以惡業故。應墮地獄。命欲終時。地獄衆火。一時俱至。遇善知識。以大慈悲。即為讚說阿彌陀佛。十力威德。廣讚彼佛光明神力。亦讚戒定慧解脫。解脫知見。此人聞已。除八十億劫生死之罪。地獄猛火。化為清涼。風吹諸天華。華上皆有化佛菩薩。迎接此人。如一念頃。即得往生七寶池中。蓮

華之內。經於六劫。蓮華乃敷。觀世音大
勢至。以梵音聲。安慰彼人。為說大乘甚
深經典。聞此法已。應時即發無上道心。
是名下品中生者。佛告阿難。及韋提希。
下品下生者。或有衆生。作不善業。五逆
十惡。具諸不善。如此愚人。以惡業故。應
墮惡道。經歷多劫。受苦無窮。如此愚人。
臨命終時。遇善知識。種種安慰。為說妙
法。教令念佛。彼人苦逼。不遑念佛。善友
告言。汝若不能念佛。彼人苦逼。不遑念佛。善友

佛如是至心。令聲不絕。具足十念。稱南
無阿彌陀佛。稱佛名故。於念念中。除八
十億劫生死之罪。命終之時。見金蓮華。
猶如日輪。住其人前。如一念頃。即得往
生極樂世界。於蓮華中。滿十二大劫。蓮
華方開。觀世音大勢至。以大悲音聲。為
其廣說諸法實相。除滅罪法。聞已歡喜。
應時即發菩提之心。是名下品下生者。
是名下輩生想。名第十六觀。
說是語時。韋提希與五百侍女。聞佛所

說。應時即見極樂世界。廣長之相。得見佛身。及二菩薩。心生歡喜。歎未曾有。豁然大悟。逮無生忍。五百侍女。發阿耨多羅三藐三菩提心。願生彼國。世尊悉記。皆當往生。生彼國已。獲得諸佛現前三

昧。無量諸天。發無上道心。爾時阿難。即從座起。白佛言。世尊。當何名此經。此法之要。當云何受持。佛告阿難。此經名觀極樂國土。無量壽佛。觀世音菩薩。大勢至菩薩。亦名淨除業障。生諸佛前。汝當

受持無令忘失。行此三昧者。現身得見
無量壽佛。及二大士。若善男子。及善女
人。但聞佛名。二菩薩名。除無量劫生死
之罪。何況憶念。若念佛者。當知此人則
是人中分陀利華。觀世音菩薩。大勢至

佛說觀無量壽佛經

二十

菩薩。為其勝友。當坐道場。生諸佛家。佛
告阿難。汝好持是語。持是語者。即是持
無量壽佛名。佛說此語時。尊者目犍連。
尊者阿難。及韋提希等。聞佛所說。皆大
歡喜。爾時世尊。足步虛空。還耆闍崛山。

爾時阿難。廣為大衆說如上事。無量諸
天龍夜叉。聞佛所說。皆大歡喜。禮佛而
退。

佛說觀無量壽佛經

南無喝囉怛那哆囉夜訶



此是觀世音菩薩本身大須慈悲
用心誦讀勿高聲神性急

南無阿唎哪

此是如意輪菩薩
本身到此須存心



婆盧羯帝爍鉢囉哪



此是持鉢觀世音菩薩本身若欲
取舍利骨誦此存想菩薩持鉢

度盧度盧罰闍耶帝

摩訶罰闍耶帝

同



此是嚴峻菩薩押孔雀王蠻兵

陀羅陀羅

此是觀世音菩薩大丈夫身



地
唎
尼

此是師子王兵驗讀誦



室
佛
囉
唧

此是霹靂菩薩
降伏諸魔眷屬



遮
囉
遮
囉



此是摧碎菩薩本身手把金輪

摩
摩
受持某甲
罰
摩
囉



此是大降魔金剛本身手把金輪

穆帝麗



此是諸佛合掌聽誦真言

伊醯移醯




此是摩醯首羅天王

室邠室邠
同

阿囉參佛囉舍利

此是觀世音菩薩
把牌弩弓箭



罰沙罰參同

佛囉舍耶



此是阿彌陀佛
本身觀世音菩
薩師主

呼嚧呼嚧摩囉


此是八部鬼神王

呼嚧呼嚧
醯利同



娑囉娑囉

此是五濁惡世



悉利悉利

以是觀世音菩薩利益
一切眾生不可思議



蘇
嚧
蘇
嚧

以是諸佛樹葉落聲



菩提夜菩提夜



此是觀世音
菩薩結衆生
緣

菩馱夜菩馱夜



此是阿難本身

彌帝利夜



此是大車菩薩手把金刀

那羅謹墀



此是龍楹菩薩手把金刀

地咧瑟尼那

此是寶幢菩薩手持鏡叉



波夜摩那
娑婆訶去聲

此是寶金光幢菩薩鉞折羅杵



悉陀夜

此是達一切法門


娑婆訶

去聲

摩訶悉陀夜

娑婆訶

去聲



此是放光菩薩
手把赤幡

悉陀喻藝



此是諸天菩薩盡悉以集手把金刀

室瞞囉耶

娑婆訶

去聲

此是安息者

那羅謹墀
娑婆訶去聲

此是山海慧菩薩本身手把金劍



摩羅那羅
娑婆訶去聲



此是寶印王菩薩手把金斧

悉囉僧阿穆佉耶
娑婆訶去聲

此是藥王菩薩本身行療諸病



予從徑山方冊藏本中讀觀無量壽佛經復
於東禪寺法雲堂見智者大師疏因歎修淨
業者何不朝夕持誦此經以觀想爲惟心淨
土久思刻廣之茲天啓改元八月爲吾母支
太孺人八袞誕辰而仲嫂屠宜人七袞誕辰
亦同時予謂爲壽莫如作佛事作佛事莫如
刻此經刻既就宜莊嚴畫像冠之於首適得

舊本乃

仁宗皇帝命工繕刻依經爲像具十六觀圖又得
華亭沈君士充爲之重摹視舊加精微有未
備者沙門玄鑒補之沈君山水名家筆耕爲
業捐功不受贈爲父母作布施也較對作布
施者則朱居士懋績繕寫者則丁君夢寅劑
劖氏則豫章傅汝權旌邑饒元案凡於此有

勞均載姓名以結淨業緣予謂所作功德刻
板不如印施流通不廣無益印施不如課誦
束之函中無益課誦不如真修曉曉口耳無
益予雖捐微貲功德最下所願繼而印施者
課誦者真修者爲勝功德也

浙右嘉郡當湖陸基志盥手書

浙江嘉興府平湖縣信士陸其志同妻

沈氏印裝以六卷施

京師慈雲寺

崇禎伍年



